



TOSHKENT DAVLAT YURIDIK UNIVERSITETI REKTORINING B U Y R U G ' I

12.12.2024

913-tm-son

Talabaga hayfsan e'lon qilish to'g'risida

Bugungi kunda Toshkent davlat yuridik universitetida (bundan buyon matnda TDYU deb yuritiladi) zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan TDYU Odob-axloq kodeksi va boshqa ichki hujjatlarni buzish holatlari kuzatilmoqda.

Jumladan, TDYUning Xalqaro huquq va qiyosiy huquqshunoslik fakulteti 4-kurs talabasi Egamberdiyev Sherabbos Bekmurod o'g'li 2024-yil 11-dekabr kuni TDYUga belgilangan kiyinish va tashqi ko'rinishga oid qoidalarga zid kiyimda (kulrang jemper) va soqoli o'sgan holda kelgan.

Talaba Sh.Egamberdiyev 2024-yil 26-noyabrda TDYU Odob-axloq kodeksida belgilangan qoidalarga zid ravishda soqoli o'sgan holda kelganligi uchun Xalqaro huquq va qiyosiy huquqshunoslik fakulteti dekanining 2024-yil 26-noyabrdagi 21-16/253-sonli ogohlantirishi qo'llanilgan.

Mazkur holat yuzasidan Sh.Egamberdiyev o'z tushuntirish xatida TDYU Odob-axloq kodeksida belgilangan kiyinish va tashqi ko'rinishga oid qoidalarga zid kiyimda va soqoli o'sgan holda kelganini qayd etgan.

Talaba Sh.Egamberdiyev mazkur harakatlari bilan TDYU Odob-axloq kodeksi 12-moddasi 4-xatboshisi (Universitet xodimi, talabasi va doktoranti bo'lgan erkaklar oq, havorang, ochiq rang ko'ylakda, klassik uslubdagi shim, odmi kostyum va mos rangdagi poyabzalda kelishlari shart. Shuningdek, ust-boshga monand galstukda kelish tavsiya etiladi); 12-moddasi 5-xatboshisi (Xodimlar, talabalar va doktorantlarning tashqi qiyofasi va kiyimlari ozoda, pokiza hamda sochi tartibga solingan, soqoli olingan bo'lishi, ular sochlari noodatiy bir necha ranglarga bo'yalmagan va kiyinish talablariga rioya qilgan holda kelishi lozim) talablarini buzgan.

Bundan tashqari, talaba Sh.Egamberdiyevga nisbatan TDYU rektorining 2023-yil 19-apreldagi 242-tm-son buyrug'i bilan TDYU Odob-axloq kodeksida belgilangan qoidalarga zid ravishda soch-soqoli o'sgan, to'zg'igan va kiyinish talablariga rioya qilmaganligi uchun hayfsan intizomiy jazosi qo'llanilgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 12-moddasi 4 va 5-xatboshisi hamda TDYUning Ichki tartib qoidalari 83-bandiga asosan

BUYURAMAN:

1.TDYU Odob-axloq kodeksi 12-moddasi 4 va 5-xatboshisi talablarini buzganligi uchun TDYUning Xalqaro huquq va qiyosiy huquqshunoslik fakulteti 4-kurs talabasi Egamberdiyev Sherabbos Bekmurod o'g'liga hayfsan e'lon qilinsin.

2.Fakultet dekanlari (D.Umarxanova, K.Hakimov, B.Musayev, Sh.Saydullayev, A.Babadjanov) mazkur buyruq mazmun-mohiyatini talabalar e'tiboriga yetkazilishi va keng muhokama qilinishini ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabaning shaxsiy hujjatlar yig'majildiga buyruq nusxasi tikilishini ta'minlasin;

boshqa nojo'ya harakat takror sodir etilsa, mazkur talabani talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Direktor

SH.PO'LOTOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Katta yuriskonsult

A.TURSUNOV

